



Տնտեսական զարգացման և հետազոտությունների կենտրոն

ՏԻՄԿԱԼ ՔԱՂԱՔԱԿԱՆՈՒԹՅՈՒՆԸ

Վարսենիկ Մնացականյան
Տնտեսական զարգացման և հետազոտությունների կենտրոն

Մայիսի 31, 2010
Երևան



ՀՀ Էկոնոմիկայի նախարարություն

gtz Partner for the Future.
Worldwide.

Գերմանական տեխնիկական
համագործակցության ընկերություն

Ի՞նչ է Ֆիսկալ քաղաքականությունը

Ֆիսկալ քաղաքականությունը դա պետական բյուջեի ծախսային և/կամ եկամտային մասերի փոփոխություններին ուղղված միջոցառումների մի ամբողջություն է, որոնց իրականացմամբ պետությունը/կառավարությունը նպատակ ունի ապահովել տնտեսության կայունություն և/կամ որոշակի սոցիալ-տնտեսական նպատակների իրագործում:

Այլ կերտալ ասած՝ Ֆիսկալ քաղաքականությունը դա պետական ծախսերի և հարկահավաքագրման ուղղորդման և վերահսկման ուղղությամբ կառավարության կողմից իրականացվող միջոցառումների ամբողջությունն է:

Ֆիսկալ քաղաքականության նպատակներն են՝

- ✓ կայուն տնտեսական աճի ապահովում,
- ✓ ռեսուրսների լրիվ օգտագործման ապահովում՝ նախ և առաջ ցիկլիկ գործազրկության խնդրի լուծում,
- ✓ գների կայունության ապահովում՝ սղաճի խնդրի լուծում:

Տիսկալ քաղաքականության տեսակները

- Չեզոք՝ ենթադրում է, որ բյուջեն բալանսավորված է, այսինքն՝ պետական ծախսերը ամբողջությամբ ֆինանսավորվում են հարկային եկամուտների հաշվին, և բյուջեն ընդհանուր առմամբ ունի չեզոք ազդեցություն երկրի տնտեսական ակտիվության մակարդակի վրա:
- Ընդլայնողական՝ երբ բյուջեի ծախսերը գերազանցում են եկամուտները, մասնավորապես հարկային եկամուտները, ի հաշիվ ծախսերի ծավալի ավելացման, կամ հարկային եկամուտների կրճատման, կամ էլ նշված երկուսի միաժամանակյա իրականացման: Նման քաղաքականությունը հանգեցնում է բյուջեի դեֆիցիտի առաջացման կամ դրա աճի, կամ էլ պրոֆիցիտի (հավելուրդի) կրճատման:
- Զսպողական՝ երբ տեղի է ունենում բյուջեի հարկային եկամուտների մակարդակի ավելացում, կամ պետական ծախսերի մակարդակի կրճատում, կալ էլ նշված երկու միջոցառման միաժամանակ իրականացում: Նշված միջոցառումները կհանգեցնեն դեֆիցիտի կրճատման կամ էլ հավելուրդի առաջացման կամ դրա աճի:

Տիսկալ քաղաքականության տեսակները (2)

- Դիսկրեցիոն քաղաքականությունը ենթադրում կառավարության կողմից անմիջականորեն հարկային դրույքաչափերի և հարկային քաղաքականության, ինչպես նաև պետական ծախսերի՝ պետական գնումների և տրանսֆերտային վճարումների ծավալների փոփոխություն:
- Ավտոմատ (ոչ դիսկրեցիոն) կամ ներկառուցված կարգավորիչների քաղաքականությունն իրականացվում է երկրում տնտեսական ակտիվությունով պայմանավորված հարկային եկամուտների կամ պետական ծախսերի ավտոմատ կերպով ինքնակարգավորման միջոցով, օրինակ՝ երկրում եկամտահարկի կամ շահութահարկի պրոգրեսիվ դրույքաչափի կիրառման շնորհիվ:

Ֆիսկալ քաղաքականության գործիքները

- ✓ Պետական գնումները
- ✓ Հարկերը
- ✓ Տրանսֆերտները

Տիսկալ քաղաքականության բաղադրիչները

- ✓ Պետական (համախմբված) բյուջե
- ✓ Հարկային համակարգ

Պետական (համախմբված) բյուջե

Ի՞նչ է բյուջեն

Բյուջեն դա որաշակի ժամանակահատվածի համար (սովորաբար տարեկան կտրվածքով) պետության/ համայնքի եկամուտների և ծախսերի պլանավորումն է, որը հաստատվում է օրենսդրական կարգով:

Հայաստանում բյուջեի ձևավորումը, կատարումը և դրա կատարողականի հաստատումը կանոնակարգվում են ՀՀ բյուջետային համակարգի մասին օրենքով:

Պետական (համախմբված) բյուջե (2)

Բյուջետավորման սկզբունքներն են՝

1. Բյուջետային համակարգի միասնականության սկզբունքը
2. Մուտքերի և ելքերի տարանջատման սկզբունքը
3. Բյուջեների ինքնուրույնության սկզբունքը
4. Բյուջեների մուտքերի և ելքերի արտացոլման լրիվության սկզբունքը
5. Բյուջեների հաշվեկշռվածության սկզբունքը
6. Բյուջետային ելքերի ամբողջական (համախառն) ծածկվածության սկզբունքը
7. Բյուջետային միջոցների օգտագործման արդյունավետության սկզբունքը
8. Բյուջեների հրապարակայնության սկզբունքը
9. Բյուջետային միջոցների հասցեագրվածության և նպատակայնության սկզբունքը
10. Բյուջեների հրատեսության սկզբունքը

Բյուջեի կառուցվածք

Եկամուտներ

- Հարկային եկամուտներ և պետական տուրքեր
- Պարտադիր սոցիալական ապահովագրության վճարներ
- Պաշտոնական դրամաշնորհներ
- Այլ եկամուտներ

Բյուջեի կառուցվածք (2)

Ծախսեր

1. Գործառնական դասակարգմամբ 11 խումբ ըստ ծախսերի ուղղությունների
2. Տնտեսագիտական դասակարգմամբ՝

ԸՆԴԱՄԵՆԸ ԾԱԽՍԵՐ

Ընթացիկ ծախսեր

- Աշխատավարձ
- Ապրանքների և ծառայությունների գնում
- Տոկոսավճարներ
- Դրամաշնորհներ (նախկինում՝ տրանսֆերտներ)
- Սոց. նպաստներ և կենսաթոծակներ
- Այլ ծախսեր

Ոչ ֆինանսական ակտիվների հետ գործարքներ

- Ոչ ֆինանսական ակտիվների գծով ծախսեր
- Ոչ ֆինանսական ակտիվների օտարումից մուտքեր

Բյուջեի կառուցվածք (3)

Դեֆիցիտ

- Դեֆիցիտի ներքին ֆինանսավորում
- Դեֆիցիտի արտաքին ֆինանսավորում

Բյուջեի դասակարգում

Ծախսային բյուջե

Ծախսային բյուջեն ըստ ծախսատեսակների դասակարգված ֆինանսական փաստաթուղթ է, որը սահմանում է, թե ինչ գումարներ կծախսվեն կամ ծախսվել են յուրաքանչյուր ծախսային հոդվածի գծով: Ծախսային բյուջեն համարվում է բյուջեի պարզագույն տեսակ:

Ուշադրությունը կենտրոնացված է միայն հետևյալ հարցերի վրա՝ ի՞նչ է գնվել, ինչքա՞ն է ծախսվել, ինչի՞ համար:

Ծախսերը դասակարգվում են

- ✓ տնտեսագիտական՝ ըստ խմբերի, օրինակ՝ աշխատավարձ, տրանսֆերտներ, սուբսիդիաներ, ձեռքբերված ապրանքներ ու ծառայություններ և այլն,
- ✓ գործառնական՝ ըստ ոլորտների՝ պաշտպանություն, առողջապահություն,
- ✓ գերատեսչական՝ ըստ կատարողների, օրինակ՝ առողջապահության նախարարություն:

Ծախսային բյուջեների դեպքում հրանարավոր է վերահսկել միայն ապրանքների ու ծառայությունների գնման համար պլանավորված և փաստացի ծախսված գումարները:

Բյուջեի դասակարգում (2)

Ծրագրային բյուջե

Ծրագրային բյուջեն ուղղված է կառավարության կամ համայնքի գործունեության արդյունքների ապահովմանը: Այն ցույց է տալիս, թե ինչ արդյունք ձեռք կբերվի տվյալ աշխատանքը կատարելիս կամ բյուջետային ծրագիրն իրականացնելիս և ինչ ռեսուրսներ են անհրաժեշտ ռազմավարական ծրագրային բյուջե ծրագրի քանակական արդյունքների ձեռքբերման համար:

Ընդհանուր առմամբ ծրագրային բյուջեն կարելի է սահմանել հետևյալ կերպ.

Ծրագրային բյուջեն պետության/համայնքի առաքելության, նպատակների ու խնդիրների սահմանման և որպես բյուջետային գործընթացի մաս պարբերաբար դրանց կատարման գնահատման ֆինանսական ծրագիր է, որը կապ է հաստատում երկրի/համայնքի ռազմավարական զարգացման ծրագրի իրականացման համար անհրաժեշտ ներդրումների և ակնկալվող արդյունքների միջև:

Ծրագրային բյուջեն պատասխանում է հետևյալ հարցերին.

- ✓ Ի՞նչ արդյունքներ ձեռք կբերվեն,
- ✓ Ի՞նչ ազդեցություն կլինի հասարակության վրա,
- ✓ Ի՞նչ ազդեցություն կլինի սպառողների վրա,
- ✓ Որքա՞ն գումար կծախսվի տվյալ ծառայությունը տվյալ նպատակով մատուցելու վրա:

Բյուջետային գործընթաց

Ի՞նչ է բյուջետային գործընթացը

Բյուջետային գործընթացը յուրաքանչյուր բյուջետային տարվա բյուջեները կազմելու, քննարկելու, հաստատելու և կատարելու, դրանց տարեկան հաշվետվությունը հաստատելու ուղղությամբ պետական և տեղական ինքնակառավարման մարմինների՝ օրենքով կանոնակարգված գործունեությունն է:

Ի՞նչ իրավական նորմերով է կարգավորվում բյուջետային գործընթացը

- ✓ ՀՀ Սահմանադրություն
- ✓ ՀՀ բյուջետային համակարգի մասին օրենք,
- ✓ ՀՀ պետական բյուջեի մասին օրենք,
- ✓ ՀՀ տեղական ինքնակառավարման մասին օրենք,
- ✓ ՀՀ կառավարության և վարչապետի որոշումներ:

Բյուջետային գործընթաց (2)

Ե՞րբ է սկսվում բյուջետային գործընթացը

Համաձայն «ՀՀ բյուջետային համակարգի մասին օրենքի» հոդված 6, կետ 4.

Տվյալ բյուջետային տարվա համար բյուջետային գործընթացը սկսվում է Հայաստանի Հանրապետության վարչապետի կողմից առաջիկա տարվա բյուջետային գործընթացը սկսելու մասին որոշման ընդունման օրը և ավարտվում՝ տվյալ բյուջետային տարվա բյուջեների կատարման վերաբերյալ հաշվետվությունը հաստատելու օրը:

Բյուջեի դեֆիցիտ/հավելուրդ և դրա ֆինանսավորում

Բյուջեի ծախսերի նկատմամբ եկամուտների գերազանցումը կազմում է բյուջեների հավելուրդը:

Բյուջեների եկամուտների նկատմամբ ծախսերի գերազանցումը կազմում է բյուջեների դեֆիցիտը:

Պետական բյուջեի դեֆիցիտը ֆինանսավորվում է ներքին և արտաքին աղբյուրներից ստացվող՝

- փոխառու միջոցների,
- պետական բյուջեից տրամադրված փոխառու միջոցների վերադարձից ստացվող գուտ միջոցների,
- բյուջեի միջոցների տարեսկզբի ազատ մնացորդի,
- իրավաբանական անձանց կանոնադրական կապիտալում պետական մասնակցության, պետական սեփականություն համարվող՝ հող չհանդիսացող անշարժ գույքի, այդ թվում՝ անավարտ շինարարության օբյեկտների մասնավորեցումից ստացվող միջոցների հաշվին *(պետական բյուջե է ուղղվում այդ միջոցների 70 տոկոսը՝ անկախ գույքի տեղաբաշխման վայրից)*:

Բյուջեի դեֆիցիտ/հավելուրդ և դրա ֆինանսավորում (2)

Պետական բյուջեի դեֆիցիտի կամ հավելուրդի չափը սահմանվում է տվյալ տարվա պետական բյուջեի մասին օրենքով, իսկ համայնքի բյուջեի դեֆիցիտի կամ հավելուրդի չափը՝ համայնքի տվյալ տարվա բյուջեի մասին համայնքի ավագանու որոշմամբ:

Ազգային ժողով ներկայացվող առաջիկա տարվա պետական բյուջեի մասին օրենքի նախագծում պետական բյուջեի դեֆիցիտը չի կարող գերազանցել կառավարության բյուջետային ուղերձում նշված առաջիկա տարվա ՀՆԱ-ի 7.5 տոկոսը:

Պետական պարտք

Պետական պարտքը դա երկրում որոշակի ժամանակահատվածի ընթացքում կուտակված պարտավորությունների գումար է, որը առաջացել է տվյալ ժամանակահատվածում առկա բյուջետային դեֆիցիտների և նույն ժամանակահատվածում գրանցված բյուջեի հավելուրդների բացասական տարբերության առկայության արդյունքում:

Տարբերակում են պետական պարտքի հետևյալ տեսակները:

Ըստ պարտավորությունների ծագման աղբյուրի՝

- ներքին (պարտքային պարտավորություններ երկրի բնակչությանը)
- արտաքին (պարտքային պարտավորությունները արտասահմանյան երկրներին, արտասահմանյան կամ միջազգային կազմակերպություններին և այլ երկրների քաղաքացիներին)

Ըստ ժամկետայնության՝

- կարճաժամկետ (մինչև 1 տարի)
- միջին ժամկետ (1-5 տարի)
- երկարաժամկետ (5 տարուց ավելի)

Պետական պարտք (2)

Պարտքի կառավարման ցուցանիշները

- Ընդամենը պարտք գումար/ Ապրանքների և ծառայությունների արտահանում
- Ընդամենը պարտք գումար / ՀՆԱ (ՀԱԱ)
- Ընդամենը պարտքի սպասարկում / Ապրանքների և ծառայությունների արտահանում
- Տոկոսավճարներ / Ապրանքների և ծառայությունների արտահանում
- Տոկոսավճարներ / ՀՆԱ (ՀԱԱ)
- Միջազգային (արտաքին) պահուստներ / Ընդամենը պարտք գումար
- Կարճաժամկետ պարտք/ Ընդամենը պարտք
- Արտոնյալ վարկեր/ Ընդամենը պարտք գումար
- Բազմակողմանի վարկեր/ Ընդամենը պարտք գումար
- Պետական պարտք / Ընդամենը պարտքի գումարում
- Պարտքի ներկա զուտ արժեք/ ՀՆԱ (ՀԱԱ)
- Պարտքի ներկա զուտ արժեք/ Ապրանքների և ծառայությունների արտահանում

Պարտքի ներկա զուտ արժեքը ներկայացնում է մինչև պարտքի մարման ժամկետը պարտքի օգտագործման դիմաց վճարվելիք ամբողջ գումարը՝ ներկա պայմանների դրությամբ. Այսինքն՝ որքան ներկա իրավիճակում կարժենա տվյալ վարկային միջոցներից օգտվելը մինչև դրանց մարման վերջնաժամկետը:

Պետական պարտք (3)

Ցուցանիշ	Բարձր պարտքի բեռ ունեցող	Միջին պարտքի բեռ ունեցող	Ցածր պարտքի բեռ ունեցող
Ընդամենը պարտքի գումար / ՀՆԱ (ՀԱԱ)	>50%	>30% և <50%	<30%
Ընդամենը պարտքի գումար / Ապրանքների և ծառայությունների արտահանում	>275%	>165% և <275%	<165%
Ընդամենը պարտքի սպասարկում / Ապրանքների և ծառայությունների արտահանում	>30%	>18% և <30%	<18%
Տոկոսավճարներ / Ապրանքների և ծառայությունների արտահանում	>20%	>12% և <20%	<12%
Պարտքի ներկա գուտ արժեք / ՀՆԱ (ՀԱԱ)	>80%	>48% և <80%	<48%
Պարտքի ներկա գուտ արժեք / Ապրանքների և ծառայությունների արտահանում	>220%	>132% և <220%	<132%

Ըստ ՀԲ և ԱՄՀ գնահատականների

Պետական պարտք (4)

*ՀՀ պետական պարտքի կառուցվածքը 2009-ին
(նախնական գնահատականներ)*

	2009
Ընդամենը պետական պարտք, մլրդ դրամ	1292
Արտաքին պարտք, մլրդ դրամ	1144
Արտաքին պարտք, մլն ԱՄՆ դոլար	2966
Ներքին պարտք, մլրդ դրամ	148
որից՝ Պետական պարտատոմսեր (ՊՊ)	140
Պետական պարտք/ՀՆԱ, %	41
Արտաքին պարտք/ՀՆԱ, %	36
Ներքին պարտք/ՀՆԱ, %	5
Արտաքին պարտք/ Ընդամենը պետական պարտք, %	89
Ներքին պարտք/ Ընդամենը պետական պարտք, %	11
ՀՆԱ, մլրդ դրամ	3,166

Գանձապետական արժեթղթեր/Պետական պարտատոմսեր

ՀՀ-ում այժմ թողարկվում են հետևյալ տեսակի գանձապետական արժեթղթերը կամ այլ կերպ ասած՝ պետական պարտատոմսերը:

Ըստ տեսակի՝

- ✓ Զեղջատկոսային՝ գնվում են անվանական արժեքից ցածր գնով, իսկ մարվում են ամբողջ անվանական արժեքի չափով: Արդյունքում, եկամուտը կազմում է անվանական արժեքի և գնման գնի տարբերությունը:
- ✓ Արժեկտրոնային՝ կարող են գնվել անվանական արժեքից ցածր կամ բարձր գնով, բացի այդ յուրաքանչյուր պարտատոմս ունի ֆիքսված տոկոսային եկամտաբերություն. Պարտատոմսը մարվում է անվանական արժեքի 100%-ի չափով, իսկ եկամուտը կազմում է անվանական արժեքի և գնման գնի տարբերություն + ֆիքսված տոկոսային եկամուտ:
- ✓ Խնայողական՝ գնվում են անվանական արժեքից ցածր գնով, իսկ մարվում են միայն մարման ժամկետի լրանալուն պես ամբողջ անվանական արժեքի չափով. Արդյունքում եկամուտը կազմում է անվանական արժեքի և գնման գնի տարբերությունը:

Գանձապետական արժեթղթեր/Պետական պարտատոմսեր (2)

Ըստ ժամկետայնության՝

- ✓ Կարճաժամկետ՝ մինչև 1 տարի *(վերաբերում են միայն զեղջատոկոսային պարտատոմսերին)*
 - ✓ Միջին ժամկետ՝ մինչև 5 տարի
 - ✓ Երկարաժամկետ՝ 5 տարուց ավելի
- (վերաբերում են միայն արժեկտրոնային պարտատոմսերին)*
- ✓ Առանց հստակ ժամկետային դասակարգման՝ 3 ամսից մինչև 30 տարի *(վերաբերում են միայն խնայողական պարտատոմսերին)*

Ըստ դրանցով շուկայում գործառնությունների իրականացման՝

- ✓ Շուկայական՝ կարող են հանդիսանալ ազատ առուվաճառքի առարկա, անկախ դրանց մարման ժամկետից *(վերաբերում են կարճաժամկետ, միջին ժամկետ և երկարաժամկետ պարտատոմսերին)*
- ✓ Ոչ շուկայական՝ չեն հանդիսանում առուվաճառքի առարկա, և մարվում են միայն ժամկետը լրանալուն պես *(վերաբերում են միայն խնայողական պարտատոմսերին)*

Գանձապետական արժեթղթեր/Պետական պարտատոմսեր (3)

Ներկայում Հայաստանի ներքին պարտքի շուրջ 50%-ը բաժին է ընկնում միջին ժամկետ արժեկտրոնային պարտատոմսերին: Մնացածը գրեթե հավասարապես բաշխվում է կարճաժամկետ և երկարաժամկետ պարտատոմսերի միջև, իսկ խնայողական պարտատոմսերի բաժինը դեռևս չնչին է՝ ընդամենը մի քանի 100 միլիոն դրամ:

Հարկային համակարգ

Ի՞նչ է հարկը

Հարկերը դա բյուջե վճարվող պարտադիր վճարներ են, որոնք վճարվում են համապատասխան հարկատուների կողմից իրավական ակտերով սահմանված կարգով և պայմաններով:

Տարբերում ենք հարկերի հետևյալ տեսակները

- ✓ Ուղղակի և անուղղակի
- ✓ Պետական և տեղական

Հարկային համակարգ (2)

Անկախ տեսակից, հարկերը կատարում են հետևյալ գործառույթները՝

- ✓ Տիսկալ,
- ✓ Կարգավորող,
- ✓ Խթանող,
- ✓ Բաշխող / վերաբաշխող:

Հարկային համակարգ (3)

Հայաստանում ներկայումս հիմնական հարկատեսակներն են՝

- ✓ Եկամտահարկ,
- ✓ Շահույթահարկ,
- ✓ Ավելացված արժեքի հարկ (ԱԱՀ),
- ✓ Ակցիզային հարկ,
- ✓ Գույքահարկ,
- ✓ Հողի հարկ,
- ✓ Հաստատագրված վճար:

Հարկաբյուջետային և դրամավարկային քաղաքականությունների համակարգում

Ընդհանրական նպատակներ են՝

- ✓ մակրոտնտեսական կայունացում՝ կայունացում տնտեսության բոլոր հատվածներում,
- ✓ Տնտեսական աճի և զբաղվածության բարձր մակարդակի ապահովում

Մեխանիզմը՝

- ✓ Կառավարության և Կենտրոնական բանկի կողմից ֆիսկալ և դրամավարկային քաղաքականությունների միաժամանակյա և համաձայնեցված միջոցառումների իրականացում

Արդյունքը՝

- ✓ Քաղաքականությունների առավել բարձր արդյունավետություն:

Օրինակ, Հայաստանում շաբաթական և օրեկան կտրվածքով տեղի են ունենում ԿԲ-ի և Կառավարության՝ հանձինս Ֆինանսների և Էկոնոմիկայի նախարարությունների ներկայացուցիչների, համատեղ նիստեր՝ առկա իրավիճակի հրատապ գնահատման և առաջիկա քայլերի կոորդինացված իրականացման համար (*առաջնային և երկրորդական շուկաներում ՊՊ-ների տեղաբաշխում և շրջանառություն, տոկոսադրույքի մակարդակ, պետական բյուջեի կատարողական, սղաճի մակարդակ, դրամական բազայի և զանգվածի կարգավորում, փոխարժեքի տատանումներ և այլն*):

Տիսկալ քաղաքականության դրական և բացասական կողմերը

Դրական

- Մուլտիպլիկատիվ էֆեկտ,
- Արտաքին լազի բացակայություն՝ քաղաքականության փոփոխության մասին որոշման ընդունման և դրա ազդեցության առաջին արդյունքերի միջև ժամանակային լազի բացակայություն կամ գրեթե բացակայություն,
- Ավտոմատ կարգավորիչների (ստաբիլիզատորների) առկայություն:

Տիսկալ քաղաքականության դրական և բացասական կողմերը (2)

Բացասական

- Դուրս մղման էֆեկտ
- Ներքին լազի առկայություն՝ քաղաքականության փոփոխությունների անհրաժեշտության առաջացման և կոնկրետ փոփոխությունների ընդունման միջև ժամանակային մեծ լազի առկայություն
- Անորոշություն՝
 - *տնտեսական իրավիճակի իդենտիֆիկացման խնդիրներ,*
 - *քաղաքականության գործիքների փոփոխության չափի որոշման խնդիրներ,*
- Բյուջեի դեֆիցիտի խնդիր

ՇՆՈՐՀԱԿԱԼՈՒԹՅՈՒՆ